



BERIDUP ENGGAU KRISTUS



“Lebih ari semua,
rasukka pengerindu
kena ngempung semua
utai nyadi siti.”

Colossians 3:14, NKJV



Leboh kitai disepuh kedalam ai maia baptisa, kitai mati ka dusa. Leboh kitai diangkat ari ai, kitai angkat nyadi utai idup ti baru.

Kitai ngelengka cara pengidup ke lama. Kitai mula pengidup baru enggau runding ti baru. Kitai muai runding ke angkun ka utai di dunya serta berunding ke utai ti diserga.

Kadang kala, ulah ke lama deka pegari baru. Nya kebuah rasul (apostle) Paul ngansak kitai malik ngagai serega lalu nunga ka belakang kitai ka utai ti di dunya..



➡➡➡➡ Berunding ka utai dunya tau ka utai serega?

👉 Tumpu runding (Colossians 3:1-4)

👉 Munuh semua penginein dunya (Colossians 3:5-6)

👉 Ngari diri empu ngena pakaian serega (Colossi 3:7-11)

➡➡➡➡ Jalai pendiau pengidup ke baru dalam kristus:

👉 Kena tangam pengelurus (Colossians 3:12-14)

👉 Pemakai serega (Colossians 3:15-17)

BERUNDING KA DUNYA TAUKA SEREGA?



OUR FOCUS

"Set your minds on things above, not on earthly things." (Colossians 3:2)



Sepengudah kitai ke diangkat sama enggau kristus dalam baptisa(col. 2:12), Paul ngasoh kitai nitih ka Jesus ngagai endur ke digagai iya udah iya idup baru: perintah serega (Col. 3:1)

Endang amai, kitai semina ulih ngereja tu enggau nyata leboh Jesus mai kitai kin maia iya datai kedua kali ila (Col. 3:4). Nyadi baka ke diatu, kitai semina numpu ka perening mata – juluk ati – ka utai ti di serega (Col. 3:2).

Kitai udah "mati" lalu pengidup kitai "belindung ba kristus dalam Allah Taala" (Col. 3:3). Pengidup ke dikejaku ke ditu ia nya pengidup ti diterima kitai leboh kitai nerima Jesus.

Tang pengidup nya, enti kitai deka meruan idup, mesti di-idup ka setiap hari (2 Cor. 4:16). Setiap hari kitai mesti "ngiga utai ke diatas," "numpu perening kitai ba Jesus" (Heb. 12:2 NIV).



MATI KA UTAI KE DIDUNYA

"Nya alai bunuh semua penginein dunya ti dalam kita, baka: pengawa bambai, ulah ti kamah, runding ti kamah, penginein ti jai, enggau pengamu (reti nya nyembah engkeramba)." (Colossians 3:5)

Laban kitai udah angkat enggau Kristus lalu idup berunding ka utai ti di serega, kitai mesti munuh utai ke nagang kitai bulih pemenang: utai ke didunya.

Ngambika nadai siku kitai saru, Paul nunjuk ka pemun tiang ke runding dunya (lalu iya nerang ka nya mantang agi): "pengawa bambai, ulah ti kamah, runding ti kamah, penginein ti jai, enggau pengamu (reti nya nyembah engkeramba)" (Col. 3:5 NIV).

Ulah mensia nadai udah maioh berubah kenya ari mai Paul, laban kitai agi dikelinggi penginein dunya ke ngelaban surat iya enggau pengangkun ka sepuluh pesan.

Kati nama kebuah kitai mesti "munuh" – ngejang kediri – ngelus abis – semua runding enggau ulah kitai ari semua tu? Laban utai tu nyungkak "pengeringat Allah Taala" lalu enda besetuju enggau gaya utai ti di serega (Colossians 3:6). Bunuh dulu pengerindu dunya sebedau iya munuh nuan!



BEGARI NGENA PAKAIAN SEREGA

“ lalu udah nyadi mensia ti baru, ke majak diubah nyadi baru belama dalam penemu neladan gamal Allah Taala Empu.” (Colossians 3:10)




Dalam jaku ke bendar, Paul nambah ka 5 iti pugu runding enggau ulah ti enda tau dikemeran:” pengeringat, ati ti ngeransi, ati ti bedendam, ati ti seruran deka bejakuka orang, enggau jaku ti kamah” (Col. 3:8 NIV), lalu ngujung ka jaku ngena ulah ke numbur enam – pengabis jai ari semua- “Anang bula ka pangan diri” (Col. 3:9 NIV).

Paul pechaya kitai udah “sepengelama kitai udah ngelengka ka jalai pengidup enggau ulah ti lama” (Col. 3:9 NIV). Kitai udah muka “gari ti kamah” lebu kitai udah ngasoh Jesus muai dusa kitai (Zech. 3:4 NIV).

Udah muka gari ti lama, kitai deka masuk “gari ti manah” Ngena pakayan ti baru, kitai majak diubah nyadi baru belama dalam pengudus tiap tiap hari (Col. 3:10)

Lebu kitai di ubah baru ulih roh kudus serta bisi pelajar, utai ke magi kitai bebida enggau pangan diri deka lesap (Col. 3:11).



JALAI PENDIAU PENGIDUP TI BARU DALAM KRISTUS



KENA TANGAM PENGELURUS

"Lebih ari semua, rasukka pengerindu kena ngempung semua utai nyadi siti." (Colossians 3:14)

Kitai tu "bansa ti dipilih, bansa ti kudus serta dikerindu" (Col. 3:12 NIV). Peter madah ka kitai mai penguntung enggau tanggungjawab ti besai (1 Pet. 2:9). Bah bakani kah gaya ulah orang ke dipilih Allah Taala (Col. 3:12-13)?



Agape

Lebih ari semua, rasukka pengerindu kena ngempung semua utai nyadi siti: Pengerindu (Col. 3:14). Lalu semua tu penguntung enggau tanggungjawab kitai:

PENGUNTUNG

Ngembuan ulah ti bakatu, kitai nyadi ka berekat ngagai orang bukai serta diriempu.

TANGUNGJAWAB

Ngarap ka ulah kitai ngemulia ka Allah Taala, lalu ngarap ka nya ulih mai orang bukai pechaya serta nitih ka Jesus



PEMAKAI SEREGA

"Awakka semua jaku Kristus diau dalam kita. Ajar lalu rara pangan diri ngena semua penemu-dalam, lalu belagu ngena masmur, pantun, enggau ngena lagu Roh ngagai Allah Taala, enggau ati ti berterima kasih." (Colossians 3:16)

Colossians 3:15-17 mantai ngagai kitai cara makai pemakai serega (serta mandang ka kitai enda tau makai nya kediri, tang kitai deka bekungsi enggau bala dalam gerija):



**Ngelak ka
pengelantang ari
Allah Taala
merintah kitai**



**Meruan
beserakup dalam
siti tubuh**



**Seruran berterima
kasih**



**Belajar ka bup
kudus enggau
tekun**



**Ngajar orang
bukai ka utai ti
udah dipelajar
kitai**



**Belagu pantun puji,
masmur enggau
lagu sembiang**



**Ngereja semua
utai dalam nama
Tuhan Jesus**

"Lagu nya siti senjata ke ulih dikena setiap maia kitai putus asa (kechewa). Enggau nya kitai muka ati kitai ngagai pancahar matahari ke datai ari juruselamat, lalu kitai deka bulih pengerai enggau berekat iya"

(Ellen G. White, "The Ministry of Healing," p. 254) .



“Ulih ka penelap, pengasih serta baruh ati, lalu anang ngumbai perangai ke ngemaruh ka diri tu pengelemi tang semuanya endang ciri ciri Tuhan Jesus. Bejimat ka teldan ke di bantai nuan. Ngambi ka iya nyadi tuchi serta babau wangi dalam perangai ke enda ngasoh malu lebuah iya di bantai ngagai orang maioh. Baka titik ai ke ulih nyadi sungai, nya alai utai ke mit nya mai pengidup. Pengidup nya sungai, pengelantang, tenang serta ngemuaska, tauka sungai ti penuh laban penusah, ke keruh serta mansut ka utai ti kamah. Dalam pengidup tu nuan ulih nyerah ka diri di-iring Roh Kudus. Ari berekat ti kudus diberi Roh Kudus nuan ulih mangsang belama lama nyadi baka Kristus.”

EGW (That I May Know Him , July 22)